

*Disjuncta* versatur inter quatuor terminos reipsâ inter se distinctos; quorum ut primus se habet ad secundum: ita tertius ad quartum. v.g. Sicut gubernator se habet ad navem: ita magistratus ad Rem publicam. *Continua* est, quæ versatur inter tres terminos aptè inter se distinctos & afféctos, ita ut sicut primus se habet ad secundum; ita secundus ad tertium: ut, sicut lex magistratui: ita magistratus populo præest. Tres hîc sunt termini, lex, magistratus, populus.

3 *Similium sunt similia consequentia.*

Hic canon est probabilis, & agit de usu similiū, quem habent in probando. Afferunt autem illa magis dissentientē pudorem, quam assentiendi necessitatem. Aliis locis credimus necessariò, similibus libenter, ait Molinæus. Datâ, verbi gratiâ, quæstione, an intellectus regat totam animam, sume aliquid, quod sit simile subjecto quæstionis, putâ oculum. Hinc argumentaris. Oculus regit totum corpus. At intellectus est oculus animæ. Ergo. Sic: Princeps debet subditos suos defendere. Q. Paterfamilias familiam suam defendere debet. Item: Ratio non est submovenda à lingua. Q. Nauclerus peritus non est submovendus à navi. Hæc riotanda sunt contra illos, qui simpliciter afferunt, similia non habere tillam vim probandi, sed tantùm explicandi & amplificandi. Verum est, argumenta ex loco similiū ducta non esse necessaria & scientifica. Sed à negatione modi ad negationem rei non valet consequentia. Itaque illud vulgatum: *Simile non probat, sed illustrat;* non simpliciter, sed secundūm quid accipi debet.

4 *Similitudo non debet extendi extra scopum disserentis.*

Hic canon in analysi magnum habet usum, & monet, ut in primis scopus similitudinis perpendatur: quod in primis in lectione sacrarum literarum observandum est, ubi habet locum illud Thomæ: *Theologia allegorica non est argumentativa,* si scilicet scopus non observetur.

5 *Similitudo est instrumentū Logicum maximè accommodatum ad genus docendi exotericum & populare.*

Ratio: quia similitudo continet res maximè obvias sensibus. Un-